

植物名實圖攷

354

7

5(1-60)

植物名實圖考卷之五

固始吳其濬著

蒙自陸應穀校刊

蔬類

野胡蘿蔔

地瓜兒

野園葵

遏藍菜

星宿菜

苦瓜

地梢瓜

水蘇子

水落藜

山蘿蔔

水蘿蔔

石芥

山苦蕒

山白菜

山宜菜

綿絲菜

鴉蔥

山蔥

節節菜

老鴉蒜

山萵苣

水萵苣

野蔓菁

水蔓菁

山蔓菁

山芹菜

銀條菜

珍珠菜

涼蒿菜

雞腸菜

鸞兒菜

歪頭菜

蠍子花菜

耬斗菜

手女兒菜

甌菜

杓兒菜

變豆菜

獐牙菜

水辣菜

獨行菜

葛公菜

委陵菜

女婁菜

麥藍菜

匙頭菜

舌頭菜

柳葉菜

山甜菜

粉條兒菜

辣辣菜

青莢兒菜

八角菜

地棠菜

雨點兒菜

白屈菜

蚰螬菜

山梗菜

山小菜

獾耳菜

回回蒜

地槐菜

泥胡菜

山蕎菜

費菜

紫雲菜

牛尾菜



野胡蘿蔔

救荒本草野胡蘿蔔生荒野中苗葉似家胡蘿蔔俱細小葉間攏生莖叉梢頭開小白花衆花攢開如傘蓋狀比蛇床子花頭又大結子比蛇床子亦大其根比家胡蘿蔔尤細小味甘採根洗淨去皮生食亦可 按此草處處有之湖南俚醫呼爲鶴蝨與天名精同名亦肖其花白如鶴子細如蝨耳



地瓜兒苗

地瓜兒苗詳救荒本草方莖葉似薄荷微長根如甘露兒更長
味甘江西田野中亦有之



野園葵

救荒本草野園葵生祥符縣西北田野中苗高一尺餘苗葉結實皆似家胡荽但細小瘦窄味甜微辛香採嫩苗葉燂熟油鹽調食 按野園葵南方廢圃砌陰極多似野胡蘿蔔而科瘦根小春時開花結子五六月卽枯野胡蘿蔔多生田野至秋深尙有之



過藍菜

救荒本草過藍菜生田野中下濕地苗初搗地生葉似初生菠
菜葉而小其頭頗圓葉間攢葶分叉叉上結莢兒似榆錢狀而
小其葉味辛香微酸性微溫採葉燂熟水浸取酸辣味復用水
淘淨作齏油鹽調食 按此草湖南山坡春時有之俗呼犁頭
草象其形有爲蚊蟲嚙者嚼葉敷之止癢



星宿菜

救荒本草星宿菜生田野中作小科苗生葉似石竹子葉而細
小又似米布袋葉微長梢上開五瓣小尖白花苗葉味甜採苗
葉煤熟油鹽調食 按此草江西俚醫呼爲單條草以洗外腎
紅腫

